

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Utusan Malaysia
Date	17 May 2015

Pembangunan modal insan perlu diperkukuh

KUBANG PASU 16 Mei - Timbalan Perdana Menteri berkata, modal insan yang ingin dibangunkan dalam sistem pendidikan di negara ini tidak seharusnya hanya dilengkapi dengan ilmu pengetahuan dan kemahiran semata-mata tetapi perlu diperkukuh dengan akhlak terpuji dan nilai murni.

Tan Sri Muhyiddin Yassin berkata, pada pandangan beliau, aspek akhlak, budi pekerti, integriti, amanah dan nilai-nilai murni adalah komponen yang amat penting dalam

membina negara bangsa dan mencapai kemajuan ekonomi yang lestari.

“Sehubungan itu, guru memainkan peranan penting untuk menyempurnakan akhlak murid serta membentuk insan seimbang serta berperibadi unggul.

“Lebih-lebih lagi dalam keghairahan kita mengejar kemajuan material, aspek akhlak dan nilai murni mesti diberikan perhatian utama oleh sistem pendidikan kita,” katanya ketika berucap pada sambutan Hari Guru Peringkat Ke-

UM - 17/5/2015
bangsaan 2015 di sini hari ini.

Muhyiddin yang juga Menteri Pendidikan berkata, sifat jujur, amanah dan integriti sebenarnya mempunyai nilai intrinsik yang menjadi tunjang dan pasak kemajuan ekonomi.

“Integriti mungkin dianggap satu perkara yang kecil dan soal individu, tetapi hakikatnya ketiadaan integriti hanya pada segelintir individu boleh mendatangkan malapetaka yang besar kepada sesuatu industri, masyarakat dan juga ne-

gara,” jelasnya.

Selain itu, tambah beliau, tugas mendidik murid supaya berakhlak mulia dan berdisiplin tidak hanya terletak pada bahu guru pendidikan moral, guru pendidikan Islam atau guru disiplin tetapi pada semua guru.

“Jika kita dapat menjadikan sekolah sebagai medan asuhan akhlak dan sahsiah murid yang sempurna saya yakin hasrat kita untuk melahirkan insan yang berilmu dan berakhlak mulia akan menjadi kenyataan,” kata beliau.